

2 Timote

Tudunmɔɔ Pɔli ya sɛmɛ shuun wo wemu tun Timote mu ge

Jɔgɔ mu we sɛmɛ we d'a tun wɛ?

Kaso ni Pɔli bi bye Oromɛ kugbɔɔ ni na we sɛmɛ we ka na tun Timote mu (2 Timote 1:8,16-17; 2:9).

Wu funɲɔ ki bye wu Timote luu waha Kilɛ wo labye wu fɛni, bani w'a bi li cɛ na wee Pɔli xuduun w'a nɔ xɔ (2 Timote 4:6).

We sɛmɛ we kakana ɲunɲɔ

Shɔgana lemu na Kilɛ ya pee shɔ ge, Pɔli ya Timote funɲɔ to lee keree na (2 Timote 1:9).

Na Timote wu pye sɔrɔsi nijemɛ wu wu funɲɔ yaha nidogo na Kilɛ na wu ɲaha co bani Kilɛ w'a wu yiri. Na wu pye Kafɔɔ wo bulo. Na wu ganha bu bye yokɔn wɛ, ga na wu da sipyii kalaa can wu ni (2 Timote 2:24-26).

Pɔli ya Timote sɔnmi ke koɲɔ ke taaxɔɔ li keree shizhaa na (2 Timote 3:1-9). W'a wu fiin sama jo na waha Timote mu, wee wemu kaa l'a bi dan wu ni ba wuyɛ pyaa ja ɲɛ-ɛ ge.

Sɛmɛ wu kafila ɲugbɔyɔ

2 Timote 1 Pɔli ya Timote shaari, na wu funɲɔ tirige wu labye wu na.

2 Timote 2 Na Timote wu la le Kilɛ wo labye wu ni, wu bye sɔrɔsi nijemɛ ni kalaapire nijemɛ.

2 Timote 3:1-9 Pɔli ya wu sɔnmi Kilɛ koo li yahavɛɛ pu keree na.

2 Timote 3:10–4:8 Pɔli ya keree kii jo waha Timote mu.

2 Timote 4:9-22 Pɔli fò mujuu.

Pɔli fò mujuu

¹ Nε Pɔli, nε jε Yesu Kirisa wo tudunmɔ na bε ni Kile jidaan ni. Kile ya jɔi sicuumɔ pemu wo jomεε lo wεε mu, p'i daa Yesu Kirisa wo karijεεε ki funjɔ ni ge, w'a nε tun na nε w'a pee wo yeεε pyi.

² Timote, mu wemu wu jε nε jidaan ja n'a daa wu koo ni ge, mu mu nε we sεmε we tunni.

Wù To Kile ni wù Kafɔ Yesu Kirisa ni, pu niime kan ma mu, p'i da jɔjɔ jaari ma na, p'i jɔjɔ kan ma mu.*

Pɔli ya luu leni Timote ni labye wu na

³ Nε Kile shaari, wee wemu mu nε kapyenεε pyi ni fungɔnvige ni ma na jo ba na sefεεε p'a li pye pyegana lemu na wε. Nε ba da Kile jεeri, cana fara piige na, nε funjɔ ya wuu mu na bada wε.

⁴ Mu ya jεsinmε pemu wo wεε lahaduun wu ni wùye na ge, lee wa nε funjɔ ni. Ma la k'a sii shɔ na ni xuuni, na funjɔ k'a sii di ma ja sanha, kɔnhɔ di fundanga ta.

⁵ N'a daa can can wo we wu wa ma mu ge, nε funjɔ wa dun wu bε na. Ma nulε Loyisi ni ma nu Unisi, pee p'a fεnhε wee n'a daa can can wo wu ta. Nε dà bε li na jo wee n'a daa wu ninumɔ wu wa mu bε mu.

⁶ Lee wuu na nε na keye taha ma na, na Kile jεeri ma mu, a Kile di loolodaa lemu wo sefεεε tirige ma

* **1:2** We duba we jε Kiricεen fò kangana.

na ge, la le maye ni lee wo sefeere t'i gori yaha ma na.

⁷ Bani Kile ya zo wemu kan we mu ge, wee ne fyaara wo we. Ga fanha w'a leni we ni, ni taanneye, ni fungongo feere.

⁸ Lee wuu na ma ganha bu da zhiige wu Kafo wu kaa jo na sipyii pu mu we. Ne wemu be wu ne kaso ni wu mege ki wuu na ge, ne be kaa ganha bu da bye ma mu shiige we. Ga ma be wu yere ma taa kanhama sige Jozaama pu jo wuu na, fanha kemu Kile da ba gan ma mu ge, na be ni kee ni.

⁹ Wee Kile w'a we sho, na we yiri na pye wuyey pyaa wo feere wuu. Kapyege kiimu we ya byi ge, wu ya ta we sho kee wuu na we. Ga w'a we nuna wolo na be ni wu wo keree ki shangana le, ni wu wo niime wu baraga ni. Wee niime w'a kan we mu Yesu Kirisa wo karineye ki funna ni, na ta konna no sanha zhan we.

¹⁰ Wee niime we, niime wu Shovo Yesu Kirisa ya pa na ba wee she wu na. W'a xu wo fanha ki kyegi. Ni sicuumo pe pu ne pu ya xhuu we, p'i ya gyegi be-ge, a Jozaama p'i bye kanna na pee kaa yeege kpenge na.

¹¹ Pee Jozaama pu wo yere wuu na, Kile ya ne pye pu jovo, ni tudunmo, ni karamo.

¹² Lee wuu na pe kanhama pe beri wa ne na. Ga lee be na li shiige wa ne na we, bani wemu ne pye na tana ge, ne wee ce. Ne da be li na jo lemu kaa w'a le ne ke ne ni ge, jo se wa wu ni wu lee mara, fo na she konna xoduun no.

¹³ Ayiwa, n'a ma kalaa feere jomo pemu ni ge, pee yaha maye funna ni, ma da naari m'a sahani

ni pee ni, ni n'a daa ni taan_{neegε} ni; Yesu Kirisa wo kari_{neegε} ki fun_{no} ni yee wa daa.

¹⁴ Kalaasaama wemu kaa l'a le ma ke_{ne} ni ge, wu mara Fε_{εεε} Munaa li gb_{oo}o ni. Lee Fε_{εεε} Munaa le li wa wèe fun_{no} ni.

¹⁵ Mayε pyaa k'a li ce na n'a daa fεε piimu pu _{ne} Azi fiige ki ni ge, pu be_{eri} ya ne yaha na ye. Fize_{li} ni Erimozheni be wa pee sipyii pu ni.

¹⁶ Ga Kaf_{oo} wu _{nu}o jaari Onezif_{ori} puga ki sipyii pu na, bani w'a ne fun_{no} _{ni}ne teεgeε _{ni}nehe_{ne}ε ni. Ali na ne yaha kaso wu ni, wu ya lee ta be shiige wuyε mu we.

¹⁷ Ga ba w'a no Oromε kulo li ni we, na ne xuu sha ni see ni fo na she ne ja.

¹⁸ Kaf_{oo} wu _{nu}o jaari wu na, w'i ba Kaf_{oo} wo saama pu ta ko_{no} ki caxh_{oo}o. W'a kasaan_{aa} kiimu pye ne na Efese kulo li be ni ge, muyε pyaa wa ki fiin na toro sipyii pusamaa taan.

2

Wemu wu_{ne} Kirisa wo kapyebye nizaama ge

¹ Ayiwa na ja Timote, niime wemu wu_{ne} wèe mu Yesu Kirisa wo kari_{neegε} ki ni ge, la le mayε ni m'a da ma wo baraga ki shaa wee ni.

² Kalaa we m'a ta na mu sipyi_{ne}hemεε pu _{ni} na ge, sipyii piimu na m'a daa na jo pu be na ja wee kalaa wu kan pii be mu ge, ta pee kalaa wu ni.

³ M'a yaa ma ma taa kanhama lo, ba Yesu Kirisa wo kash_{enne}mo nijemε _{ne} we.

⁴ Kash_{enne}mo wemu w'a giin wu wu _{nu}ofo_{oo} fun_{no} _{ni}ne ge, wee da ga ko_{no} keree kaa taga wuyε fun_{no} conri ba sipyitiime _{ne} we.

5 Wemu w'a nahazhaanri tafere ti fe ge, wu bye w'i ya tee tafere ti paa na saha ni ti korogoo ki beeri ni we, wu da jaralaa ta we.

6 Faapye wemu w'a faa kanhama soro ge, wee w'a yaa wu pye shenshiime na faa yapyiire ta.

7 Yemu ne yu me ge, ma funno sha ni yi ni, bani Kafoo na ba ma pye m'a yi beeri ce.

8 Ma hakili yaha Yesu Kirisa na, saannaa Dawuda nabige ke. W'a ne na foro xu ni, pee Kile Jozaama pe wo yere ne byi.

9 Ne na pee Jozaama pu yu, lee l'a pe kanhama pe no ne na. Lee wuu na p'a shonho le ne na ba kakuubye ne we. Ga Kile wo Jom pu kunni, wa da ja shonho le pee na we.

10 Lee wuu na ne keree beeri xuli naye ni, Kile ya sipyii piimu naha bulo ge, pee wuu na. Konho pu be di ba juwuuro ta Yesu Kirisa wo karijerege ki baraga ni, p'i nooro nixhobaama be ta.

11 Pe jom pe ya sii tii fiinne, na ne be tadarja:
«Wèe bu wùye kan na xhu ni Yesu Kirisa ni,
wèe na ba ni sicuumo ta ni wu ni sanha.

12 Wèe bu la le wùye ni na gori yaha n'a daa wu ni,
wèe na ba bye ni wu ni wu saanra ti ni.

Ga wèe bu zhe wu ni nijaa,
wu be na ba wèe she.

13 Wèe bye wèe di ya pye nomehere fe we,
wee wa nomee foo tuun beeri ni.

Bani wee ya jom yu,
wu guri wu wuyere kaala pee na we.»

14 M'a yaa m'a sipyii pu funyo tun pe jom pe na,
ma da yi yu m'a wari pu mu xuuni Kile wuu na
na pu ganha ba dunni kafila wo jogana ye wuu na

wε. Lee ya yafiin bε jɔgi wε, piimu p'a pu nuri ge, peefεε wo mago pe jomɔ pe ya gyεεgi.

¹⁵ La le mayε ni, ma da labye wu pyi xuuni fo ma labye wu kaa di daan Kilε ni. Ma ganha bu shiige le labye wu ni wε, ta wu pyi m'a jɔgi, ma da Kilε wo can wu yεε li pyi ni tiime ni.

¹⁶ Jomɔ pemu pu jε jɔɔ baa, ni pemu pu jε pu ni n'a daa koo li jε bεjii-i ge, ta mayε kasεri pee na tajogo ni. Bani sipyii piimu p'a pee jomɔ pu tuugo yu ge, la l'a fɔro pee wo Kilε jɔi fyaara ti ni.

¹⁷ Pu jomɔ p'a kakara pyi ba wuugo nɔɔgɔ jε wε, kee kemu ki ma ba ma cepuuro ti bεeri xa ge. Pee sipyii pii pu wa Imεnε ni Fileti.

¹⁸ P'a fiin foro can koo li taaan, na n'a daa fεε pu pyi na xuɔnε l'a pye xɔ. Lee funɔɔ ni p'a sipyii pii wo n'a daa wu kyεεgi ni pee jomɔ pu ni.

¹⁹ Ga Kilε ye pyaa ya puga kemu wo jɔdaa kemε yaa xuuni ge, lee jɔdaa le da ja gyεεgi wε; li na gori yaha wà li siime na. Pe jomɔ pe p'a ka lee jɔdaa li na na: «Kafɔɔ ya wu wo sipyii pu ce.» ni pe ni: «Sipyaa sipya wu jε Kafɔɔ wo ge, wufɔɔ wu wu tɔɔgɔ wolo tifire baa keree ni.»*

²⁰ Yee wa ma li jaa fanhafεε pugbɔyɔ ni, ma ma shε yagbegeye ya ta wà yee ya yaa ni sanni ni, ya d'a yaa ni warifyεn ni; ga ya bε di jε wà yee ya yaa ni tige ni, ya d'a yaa ni cogo ni. Pεrεwa woyo ye, yee ma yaha cagbɔyɔ ye kaa na, yi saya na yaha cadiiye yi wo labye wu kaa na.

²¹ Ayiwa, sipya wemu bu laraga yaha ye kaku-uyo ye mu, weefɔɔ na bye ba pεrεwa yanmuyɔ yi jε wε. Weefɔɔ na gbegele yaha Nɔɔfɔɔ wu wo labye

* **2:19** Zaburuu 97:10

wu kaa na, wu nigbegeyahaṅa na ba bye kasaṅaa tuuyo beeri bye kaa na.

²² Ayiwa Timote, levee p'a se lakuuṅo kemu feni ge, sii kee ṅa m'a kee yaha wà fεεfεε. Piimu p'a Kafɔɔ pεε ni fungɔnfige ni ge, m'a binne m'a tifire, ni n'a daa, ni taanṅεεge, ni ṅaṅiṅε shaa ni pee ni.

²³ Ma ganha ba ma ṅo leni fungɔngɔ baa jomɔ, ni ṅuṅo baa jomɔ ni we. Yoyo ye pee jomɔ pe ya gɔn.

²⁴ Na ta Kafɔɔ wo kapyebye di ya yaa w'a yogo kɔn we. W'a yaa wu pye sipyisaama sipyii pu beeri mu. W'i da wu na ja sipyii kalaa, wu bye ni loxulo ni.

²⁵ Piimu p'a wu jomɔ pu kaala ge, w'a yaa w'a peefεε yeri ni lotaan ni, wu da pu leni kozaana ni. Bani la wa la ni Kile na ja daajε pye k'a je pu ni, kɔnhɔ pu be di ṅeri, p'i can wu ce.

²⁶ Lee funṅo ni p'a puyε ta, na shɔ Shitaanni wo tifuugo ki na; bani Shitaanni w'a pee sipyii pii co wu wo tifuugo na, kɔnhɔ pu da wu ṅidaan pyi.

3

Koṅo taaxɔɔ li wo keree

¹ Ayiwa Timote, pe jomɔ pe yaha ma hakili na, m'a li ce na koṅo ki taaxɔɔ li ba nɔ, wee tuun wu na ba waha fo xuuni.

² Koṅo sipyii na ba bye nata fεε. Pu na ba wari pye pu ṅarii; pu na ba ṅɔsanga pyi, na tabaara le puyε ni, na Kile mεge kyεegi. Pu da ba pu sefεε ṅomεhεε coni we; pu da ba cemε ce pu pyeveε mu we. Pu jate da ba nɔ Kile kaa la shishiin na we.

³ Pu ṅuyɔ na ba waha, pu da ba ṅuṅo ṅaari we. Pu na ba sipyii mεye kyεegi. Pu da ba tεhεne yeri puyε

na ceepuuro jidaan keree na wε, na jε yacoyo. Saama tuugo beeri koveε pu jε pii.

⁴ Pu na ba sipyii nɔhɔ yeri, na funvugo keree pyi. Tabaara na ba pu ji. Pu na ba pu jidaan keree funɔɔ lɔ Kile na.

⁵ Pu na ba puyε pye Kile jɔi fyaara sipyii sipyii jεɲaga na, ga p'i da ba gbara Kile wo sefεεε ti na pu zɔlɔɔ pu na wε. Sii laraga yaha pee sipyii pii mu fεεfεε!

⁶ Pii na ba jin pu ni piyεyε ni, cεe piimu wo fanha k'a cεre, ni p'a jurumu nijehεmε pye toro, lakuunɔ tuugo beeri bε di jε pu funɔɔ ni ge, p'a ganha na pee faanna na joni, na pu fungɔnyɔ jeri.

⁷ Tuun beeri ni pee cεe pu ma yu na lajε nivomɔ pee ya zhaa, ga p'i da ga já can wuyε pyaa tii jε bada wε.

⁸ Ba Zhanesi ni Zhanbiresi bi Kile tudunmɔɔ Musa kaala fo taashiine li ni-i dε, lee kaalagana li na pii sipyii pii bε ya can wu kaala. Sipyii pu jε pii, piimu hakilee p'a kyεεgi ge, pu n'a daa wu bε di jε yaaga bε wε.

⁹ Ga pu wo keree ki da ga já zhe jaha na wε, bani sipyii pu beeri na ba li cε kadugo yiri na fungɔngɔ baa fεε pu jε pii, ma na jo ba Zhanesi ni Zhanbiresi wuu l'a pa jε cεgana lemu na wε.

Timote ya yaa wu wuyε yaha Kile wo jomɔ pu na

¹⁰ Ayiwa, Timote mu kunni ya sii na nε wo kalaa wu koo jaari. M'a na jaarigana li cε, ni na funɔɔ shagana le, ni na n'a daa we, ni na loxulo le, ni na taanɲεεge ke, ni keree kiimu nε soro ge. Pye ba nε jε wε!

¹¹ M'a nε kanhama pu beeri bε cε, ni gberigberi keree kiimu beeri k'a pye nε na ge. Ta xɔnhɔɔ

kanhama ne gba Ancɔsi kulo le, ni Ikone kulo le, ni Lisitiri kulo li ni? Kanhama tuugo keke k'a kori ni ki ya nɔ ne na-ε we? Ga Kafɔɔ ya ne juɔɔ wolo pee beeri ni.

¹² Mu shiin li wa, sipyaa sipya w'a giin wu da jaari Kile jɔi fyaara ni xuuni, Yesu Kirisa wo kariɲεεge ki ni ge, sipyii na ba weefɔɔ kanha.

¹³ Ga sipyikuuyo ye ni nanmahara pyevee pii kunni, pee na ba se jaha na kakuuyo ni, na sipyii pii piinne ba puye pyaa k'a piin piingana lemu na we.

¹⁴ Mu kunni, m'a kalaa wemu ta, na wu co ni n'a daa can can wo wu ni ge, maye yaha wee na. Bani sipyii piimu mu m'a wee kalaa wu ta ge, maye pyaa k'a pee ce.

¹⁵ Mu ya Kile wo fεfεεε Kitabuu pu jomɔ pu ce, fo ma nɔhɔpiire ti tuun wu ni. Pee jomɔ pe na ja fungɔngɔ fεεε kan mu mu, na juwuuro be kan ma mu ma n'a daa wu funɔɔ ni Yesu Kirisa na.

¹⁶ Kile wo Kitabuu pu jomɔ pu beeri p'a foro Kile ye pyaa ni wu wo Fεfεεε Munaa li gbɔɔɔɔ ni. Lee wuu na kuduun je pu ni, p'a ja sipya kalaa. P'a sipya jaagi be sanha na wu yeri koo nizaana ni, na wu taanni tifire jaarigana ni;

¹⁷ kɔnhɔ sipyii piimu p'a Kile koo li jaari ge, pee di fa, pu kalaagana be di jɔ. P'i da p'a gbegele yaha labye nizaama tuugo beeri wo bye kaa na.

4

Kile wo Kafila wu ye le

¹ N'a da yi jo waha ma mu xuuni Kile ni Yesu Kirisa jaha taan, wee wemu wu da ba kiiri kɔn

wyii ni xuu pu bæeri na ge; jo wu wo guri ba wu wuu na, ni wu saanra ti wuu na,

² m'a Kile wo Kafila wu yeɛɛ li pyi, ma da wu yu m'a wari. L'a pye taasaana la, l'a pye taakuunɔ la, ta wu yeɛɛ pyi tuun bæeri ni. Ma da yu ni sipyii pu ni kɔnhɔ p'i ɲeri, piimu bu nahana, m'a pee jaagi; ma da pu yeɛɛ! M'a luu gbo, ma da pu kalaa!

³ Bani tuun wa w'a ma, sipyii pu funyɔ da ba bye p'a kalaa can can wo wu nuri nige wɛ. Ga pu na ba daha puyɛ pyaa wo ɲidaan keree fɛni, na karamɔgɔlɔɔ niɲɛhɛmɛɛ shaa na daga na puyɛ shuuni. Pee na ganha na pu niwegee katangaa ye yu pu mu.

⁴ Pu na ba niwegee pari wolo can wu tãan, na ki kan giraya mu.

⁵ Mu kunni, mu wu já mayɛ na keree bæeri ni, m'a kanhama xu mayɛ ni, ma da Kile wo Jozaama pu yeɛɛ li pyi; ma da Kile wo labye wu bæeri ɲɔ fani m'a byi.

Pɔli wo tafɛɛ t'a nɔ ti tɛhɛɛ na

⁶ Nɛ kunni ya ɲeri saraga. Pu na ba kee saraga ki wolo tuun wemu ni ge, wee tuun w'a nɔ xɔ; nɛ xuduun w'a nɔ.

⁷ Nɛ bi zhaanra temu leni n'a daa wu funɲɔ ni ge, nɛ la le nayɛ ni na se ta. Nɛ na wo tafɛɛ ti paa na nɔ ti tɛhɛɛ na. Nɛ kori yaha n'a daa wu wɔ koo li ni.

⁸ Nɛ na ba saanra ɲudɔnɔ ta lemu li ɲɛ tiime wuu ge. Kafɔɔ wemu wu ɲɛ tifire kiiri kɔnvɔɔ ge, wee wu da ba li kan nɛ mu koɲɔ ki caxhɔgɔ. Ga w'a da ba li kan nɛ ye nigin mu wɛ; piimu p'a wu cabaɲa ki sigee ni taanɲɛɛɛ ni ge, wu na ba li kan pee bæeri mu.

Pɔli kafila wu taxɔgɔ

⁹ La le maye ni m'a ba na yiri tovuyo na.

¹⁰ Demasi ya kuri ne feni bani ke konɔ ke wo yanmuyo ye wo la k'a se ta wu na. W'a kari Tesaloniki kulo li ni. A Keresansi di gari Galasi fiige ki ni. Tite, a wee di gari Dalimasi fiige ki ni.

¹¹ Luka ye nigin wu je ni ne ni naha. Ma ba ma, ma da ma ni Marika ni, wu na ba ja na tege na labye wu na.

¹² Ne Tishiki tun na kari Efese kulo li ni.

¹³ Ma ba ma, m'a doro Torowasi kulo li ni Kari-pusi yiri, ne na fadegbohɔ kemu yaha wa ge, m'a she ki lo m'a ma ni Kitabuu pu ni; seeye wuu pii susu kaa l'a waha na mu.

¹⁴ Tudugoo Alekisandire ya kakuuno pye ne na fo li nigboɔ. Ga Kafɔɔ na ba wu saraa na be ni wu kapyegee ki ni.

¹⁵ Ma be w'a maye kaseri wu na, bani w'a wee jomɔ pu kaala ni kafugo ni xuuni.

¹⁶ Ne kari tooniishiine li ni, di zhe na fiin jo kiiri konvɔɔ wu naha taan ge, sipya wa shishiin ya ta na ne tege we. Pu beeri bi ne yaha na ye. Ga Kile wu lee yafa pu mu!

¹⁷ Kafɔɔ ye pyaa k'a ne tege, na fanha kan ne mu, a ne ja na Kile Jozaama pu ye li pyi li pyegana na. A Kile cebaalaa beeri di pu logo. A ne sho cenri wu jo ki na.

¹⁸ Ne li ce jo Kafɔɔ na ba ne junɔ wolo kakuunɔɔ beeri ni, na ne sho, na ne le wu saanra ti ni fugba wu ni. Peɛɛ k'a deri wu na tuun beeri ni fo gbee! Amiina.

Pɔli fɔ mujuu

¹⁹ Piriſili ni wu poo Akilasi shaari, ni Onezifōri puga shēen pu ni na nε pu shaari.

²⁰ Erasiti ya kori Korēnte kulo li ni, nε d'a Torofimε yaha Miletī kulo li ni, bani w'a yá.

²¹ La le mayε ni m'a ba na ta wiire ti sanha jé wε. Ebulusi ya ma shaari, ni Pudēnsi, ni Linusi, ni Kolodiya, pee bεeri ya ma shaari. Cebooloo pu samaa bεeri bε ya ma shaari.

²² Kafō wu kori ma mu. Kilε wu niime kan yi bεeri mu.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara Sėnoufo (Sėnoufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

© 2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files dated 29 Jan 2022

85728ed7-78f8-58e8-8967-0e976c0c2423